



مشختہ جلیلہ اسلامیہ نک جریده رسیہ سیدر

شعبان المعظم ۱۳۳۴ [*]

عدو: ۲۶

آیدہ بر نشر اول نور

اوجہ خبی سنہ

بولانلر میاننده تشکلات بدنیه لری عسکر لکه الیریشلی اولدینی بالمعینه ثابت اولنلر و ماده مذ کورده معین درجه تحصیل داخل اولمش ایکن سوء حالک غیری اسبابدن دولایی ترک تحصیل ایلش اولدقلرینی اثبات ایدنلر میاننده کذلک تشکلات بدنیه لری عسکر لکه الیریشلی اولدینی بالمعینه ثابت اولانلر کوستره جک لری لیاقته کوره احتیاط ضابطی و یا احتیاط کوچک ضابطی اوله رق یتشدیر ملک اوزره جلب و سوق اولنه بیله جکدر .

ماده : ۲ بوقانون تاریخ نشرندن اعتباراً مرعی الاجرادر .

ماده : ۳ بوقانونک اجراسنه حریبه ناظری مأموردر .

مجلس عمومینک کشادنده قانونیتی تکلیف اولنق اوزره اشبولایحه قانونیه نک موقتاً موقع مرعیه وضعی و قوانین دوله علاوه سنی اراده ایلدم .

۲۷ ذی القعدة ۱۳۳۴ ۱۲ ایلول ۱۳۳۲

محمد رشاد

صدر اعظم
محمد سعید

حریبه ناظری وکیل
طلعت



قواخانه عالی مقررات قضیه سی

✓ مفله سنجاقی محکمه شرعیه سندن اعطا اولنان ۸ جمادی الاولی سنه ۱۳۳۴ تاریخلی اعلامک
اسباب نقضی :

اعلام مذ کورده مبلغ مدطاً به مذ کورک قرضاً و یا امانه ویرلدیکی استیضاح
ایدیلهرک صورت اعطانک تعینیه دعوانک توضیح و تصحیحنه اهتمام ایدلماش اولدینی
کی حیوبات مذ کورده دن وجه محرر اوزره عقد ایدیلان صلحک صحتنده بدل صلحک
مجلس صلحده قبضی مشروط اولدینی حالده بوجهت دخی نظر دفته آلتماش اولدیغندن
توقيع قلنان حکمده صحت واستقامت غیر منفهم و سبکی نقصان و خللندن غیر خالیدر .



✓ خلیل الرحمن قضاسی محکمه شرعیه سندن اعطا اولنان ۲ ربیع الاخر ۳۳۴ تاریخلی اعلامه
تحریر ایدیلن ایجاب :

اعلام مذ کورک نتیجه مالی اون لیرانک تسلیمیه الزام حقنده اصولنه موافق اولوب

آنحقی مذکور حلق و شعیره حقنده وجه محرر اوزره مردداً حکم توقیعی غیرموجه و مدعی مزبوره بالوصایه اسقاط یمینه مالکه اوله میه جفی جهته حادثه آخر بر وصی نصیله مدعی علیه مرقومك بالطلب بر نهج شرع عالی تحلیفی و یمین ایتدیکی حالده مبلغ مزبورك مدعی مزبوره دن تضمینی مقتضی اولدیغنه و روش اشعاره نظراً مزبوره نك مهر مؤجلتی حق طلبی محفوظ بولندیغنه نظراً انقای مقتضاسی ضمننده مجلس تدقیقات شرعییه تودیع قلندی .

★
★ ★

س اوده مش قضاسی محكمه شرعیه سندن اعطا اولنان ۱۰ جمادی الاولی سنه ۳۳۴ تاریخلی
اعلامك اسباب نقضی :

اعلام مذکوره متوفای مزبور دولکرك صنعتیه مشغل بولندیغنی افاده ایدلمسینه نظراً اشیاء مدعابها دن مذکور یکرمی ایکی عدد چام دلمه سنك متوفای مزبوره صالح اولسی ایجاب ایدر ایکن بر وجه محرر اشیای مشکله میاننه ادخالی غیرموجه و مدعی علیه وکیل مزبورك ترکه متوفادن ثلث ادعا ایدن شیخ حاجی مصطفی اقدینك حضوریه دفع مذکورینی اثبات ایده چکی طرزنده کی افاده مسروده سنك . بلا استیضاح اقرار تلقیسی نابمحل اولدیغنی کی افاده مبحوث عنهانك اساساً منکر بولنان سکر بیک درتیوز کسور فروش قیمتلی مدعابه اشیا و زیتون یاغی و نقوده دخی تشمیلنه تصدی ایدلمسینك وجهی غیر ظاهر و طرف دعواده مدعابها اشیا میاننده بولنمیان درت عدد مندرك دخی تحت حکمه آلمسی خلاف اصول بولنش اولغله سبکی مختلدر .

★
★ ★

س علایه قضاسی محكمه شرعیه سندن اعطا اولنان ۶ شوال سنه ۳۳۳ تاریخلی اعلامك اسباب
نقضی :

اعلام مذکوره مدعیه موکله مزبوره نك عند التوکیل ذاتی تعریف ایدلدیکنه و حق شربی اولدیغنی ادعا اولنان محلك تعیین و تحدیدینه تعرض اولندیغنی کی ملک و یا ارض میری اولدیغنی و مذکور صویك نبعان ایلدیکی محلك نوعیله انهار عامه و یا مجاری مملوکیه داخل انهار خاصه دن بولندیغنی وجه لایقيله تصریح و توضیح ایدلمدیکی جهته اقامه اولنان دعوای مذکوره غیر مصححه و حق شرب و استقاسی بولنان محل اراضی امیرییه دن اوله رق مجاری مملوکیه داخل بولندیغنی تقدیرده ارضه تبعاً حق شربك دخی

اصحاب انتقاله عادياً انتقالی مقتضی اولدینی حالده بو جهت دخی نظر اعتباره آلتق-نیزین مذکور صودن املاك صرفه مثللو بطریق المناسخه مدعیه مزبوره یه حصه اراؤه ایدلمسینک وجهی غیر ظاهر بولنش اولغله وجه محرر اوزره توقيع قلنان الزام تشویش و اعوجاجدن غیر سالمدر .

★
★ ★

✓ استانبول محکمه شرعیه سندن ۱۷ جمادی الاولی ۳۳۴ تاریخنده اعطا اولنان حجتک اسباب نقضی :
حجت مذکوره ده مدعی مزبورک منزل مذکوره کی ربع حصه سی مسکن شرعیسندن فضله اولوب اولدینی مهمل براقیلدینی کی حادثه ده حواشی هفتاتندن معدود بولنان نفقه مذکوره نک صغیر مزبور ایله مزبوره غنیمه خانم اوزرلرینه حصه ارثیه لری مقدار نیجه وثلث ثلثان اعتباریله تقدیری ایجاب ایدرایکن بروجیه محررانصافا فرض اولنسی اصولنده اولدیغندن شایان قبول دکلدر .

★
★ ★

✓ قونیه ولایتی مرکز محکمه شرعیه سندن اعطا اولنان ۲۳ جمادی الاولی ۳۳۳ تاریخلی اعلامک اسباب نقضی :

شهادت مذکوره یه نظراً عقد بیعک لیرا اوزرینه منعقد اولدینی منفهم اولدیغندن ازغیر استیفا متباقیسینک لیرا اوله رق دعوی واول وجهله استظهاراً تحلیف وتوقيع حکم اولنق مقتضی ایکن بروجیه محرر مجموع متباقینک غروشه تحویلله دعوی ایدلمسی وتحلیف وحکمک دخی اول وجهله توقيع واجراسی مخالف اصول اولقله برابر مبلغ مدعا بهک مییع مقبوض ثمنی اولدیغنک طرف شهادتده ذکر وبیانه وشاهد مزبور عبدالقادر اقدینک حکایه ایدیلان تزکیه سابقه سنده کی مزکی سری وعلیلرینک اسم وهوبتلیله اعلامه درجه تعرض اولنماش ومدعی مرقومک استظهاراً تحلیفی مجله نک ۱۷۴۶ ماده سنده شکل وصورتی محرر اولدینی وجهله اجرا ایدلیه رک نقصان براغلمش و « کندوسنده » تعیری موجب تشویش بولنش اولدیغندن سبکی مختل وقبوله غیرشایاندر .

★
★ ★

✓ اسکیشهر سفجانی محکمه شرعیه سندن اعطا اولنان ۱۵ جمادی الاخره ۳۳۴ تاریخلی اعلامک اسباب نقضی :

اعلام مذکوره الیوم اون آلتی اون یدی یاشنده بولندینی شاهدلرک شهادتلیله

تین ایدم رک استظهاراً تحلیفی دخی اجرا ایدلمش اولان مزبورہ حلیمہ نک حادثہ دہ بالاصالہ ویا طرفندن بالوکالہ اقامہ دعوی ایجاب ایدر ایکن وصی مرقومک وجہ محرر اوزرہ تصدی ایلدیکی دعواسنک استماع وقبولی مغایر اصول اولدینی کبی روش افادہ وادعادن مدعا بہ مبلغ مذکور متوفای اول مزبور عبدالمجیدک قرنداشی متوفای ثانی مزبور عبدالجلیل ذمتندہ آلاجنی اولدینی منقہم اولسنہ نظراً مبلغ مذکورک حصراً قزی مزبورہ یہ موروث اولسنک و مبلغ مذکوردن قرنداشی مدیون متوفای ثانی مرقومہ حصہ تفریق ایدلامسنک وجهی غیر ظاہر و دعوی مشوش و محتاج تصحیح وایضاح اولدینی کبی تزکیہ سابقہ محلیہ دہ کی سری وعلنی مزکیلرک اسم و شہرتلری درج ایدلامش اولدیغندن توقیع قلنان حکم نقصان و خللدن خالی وتشویش واعوجاجدن سالم دکلدر .

★ ★

فاتسہ قضاسی محکمہ شرعیہ سندن اعطا اولنان ۳۰ جمادی الاولی ۱۳۳۴ تاریخلی اعلامک اسباب نقضی :
اعلام مذکورده مدعی مأمور مومی الہک ورثہ کبار مزبورون طرفلرندن وکالتی حائز اولدینی کوسترلمدیکی جہتلہ مزبورون نامنہ اقامہ دعوا یہ صفت شرعیہ سی غیر منقہم وبلدیہ رئیس طرفندن مرسل وقائم مقاملندن معطی وکالتنامہ بی حائز ایدوکی افادہ اولنان مدعی علیہ وکیلی مومی الہک موکلی قائم مقام ورئیس مومی الہمادن قنغیسی اولدینی غیر معین اولقلہ برابر قتل مزبورک وجہ محرر اوزرہ قتل واستیصالندن صکرہ سوق ایدیلاں اغنام و حیوانات مذکورہ نک اموال مسروکہ اولدینی و شخص قتلہ عائد بولندی
علی الاصول تحقیق ایدلمدین بیعہ تصدی ایدلمسنک وجهی غیر ظاہر بولنش و حادثہ دہ من لہ حق الاجازہ نک شرائط اجازت موجودہ ایکن بیع مبحوۃ لحوق اجازتی تصریح ایدلمک ویا اغنام و حیوانات مذکورہ نک اعیانی ذی الید اولانلردن ویوم بیع واستہلاکنده کی قیمتلری مسیبلرندن ضمانی طلب و دعوی اولنق ایجاب ایدر ایکن جہات مذکورہ وجہ لایقلہ تدقیق واستکناہ ایدلامش اولدیغندن توقیع قلنان حکم اسباب موجبہ شرعیہ یہ غیر مستند و سبک اعلام مختل وقبولہ غیر شایاندر .

★ ★

مفتیسہ سنجانغی محکمہ شرعیہ سندن معطی ۷ ربیع الاول سنہ ۱۳۳۳ تاریخلی اعلامک سبب نقضی :
مہری مطابق ایسہدہ مدعی بہ مبلغ مذکورک دین مشترک اولدیغنه دائر مدعی

مرقومك برنجی افاده سیله مبلغ مذکورك صرف متوفایه عائد دین اولدینی حقنده کی
دعوی اخیره سی یکدیگرینه متناقض اولوب بو حالده وجه شرعی اوزره توفیق و تصویر
ایدلمکسزین دعوی مذکورك استماعی مغایر اصول اولدیغدن شایان قبول دکلدر .



اسکلیب قضاسی محکمه شرعیه سندن معطی ۲۸ شعبان سنه ۳۳۴ تاریخلی اعلامك اسباب نقضی:
اعلام مذکورده تعلیق مذکورك تجدید نکاح ائناسنده وقوعی ادا اولنسنه نظراً
حادثه ده تعلیقك ملکه اضافه ایدلیدیکی و یا حین تعلیقده مزبوردهك مدعی علیه مرقومدن
معتده بولدینی تصریح ایدیلرک تعلیق مباحوثك صحتی تبیین ایدلمك ایجاب ایدر ایکن
بو جهه مبهم براقلدینی کی مدعی علیه مرقوم مبرز سند کندو سندی اولدیغنی دخی
اقرار ایدلیکنه تعرض اولنمادیغدن توقیع قلنان حکمك مداری غیرظاهر بولنش و نفقه
عدت حقنده کی طلب مهمل براقلمش اولدیغدن سبکی نقصان و خللدن غیرخالدیر .



استانبول محکمه شرعیه سندن معطی ۱۳ رجب ۳۳۴ تاریخلی حجت بروجہ آتی منقوضدر:
حجت مذکورده نسب حقنده بینہ معطله استماع ایدلیدیکنه تعرض اولنما مقابله برابر
مدعی علیه مزبورك مزبوره فاطمه حقنده کی افاده سی و علی الخصوص مزبوردهك بویابده کی
اقراری نظر اعتباره آلتامش و مزبوره فاطمه واسما ایچون برادرلری اولدینی ادا اولنان
غائب مزبور اوزرینه غیاباً نفقه تقدیرینه تصدی مخالف اصول بولنش و مزبوراتك اصلا
ماللری اولمادیغنی مسکوت عنه براقلمش اولدیغدن سبکی مختلدر .



مدینه منوره محکمه شرعیه سندن معطی سلخ جادی الاولی ۳۳۴ تاریخلی اعلامك اسباب نقضی:
اعلام مذکورده صورت اشعاره نظراً مدعی مزبور حساب مأموری صفتیه مدرسه
کلیه مصارفی ایچون خزینہ مشارالیهادن مقبوضی اولان مبالغدن متعبدان حاضران
مزبورانه اعطا و تسلیم ایدلیکی مبالغ مذکوردهك مزبوراتك استحقاق قریله لدی الاستقصاص
مقبوضات واقع سندن حط و تنزیلی و اولوجهله محاسبه سنك رؤیت و تسویه سنی کندو سندن
طلب وقوع بولدینی و اولبابده علیهنده بر دعوی اقامه ایدلیدیکی حالده مدافعه افاده
ودر میان ایتیمی ایجاب ایدر ایکن مبالغ مستقصه مذکوردهك طرفه رد و تسلیمنه متدائر

برمنوال مشروح تصدی ایلدیکی دعواده خصومتک وجهی غیر ظاهر و جریان ایدن محاکمه ده صحت و سلامت غیر منظم بولنش اولغله تشویش واعوجاجدن غیر سالمدر .

* *

وادی العجم قضاسی محکمه شرعیه سندن معطی ۱۷ شوال ۳۳۳ تاریخلی اعلامک اسباب نقضی :

اعلام مذکورده صورت دعوایه نظراً مهر معجل مذکورک لیرا اولدینی منظم اولغله از غیر استیفا متباقیسنک دخی لیرا اوله رق دعوی و توقیع حکم اولمقی مقتضی ایکن بروجه محرر غروشه تحویلله تصدی ایدیلن دعوانک استماعی و اولوجهله حکم توقعی خلاف اصول اولدینی کبی مدعابه مهر حقنده کی مدعی علیه زوج مزبورک افاده واقعه سی مجمل و مشوش بولندیغندن اوجهته متدائر مرقوم استجواب ایدیلهرک نتیجه متبینه کوره معامله ایفاسی ایجاب ایدرکن مبهم و تراکم ایدن نفقه مقدره ایله نفقه مذکورک ایفاسی حقنده کی مدعیه زوج مزبورک طلبی مسکوت عنه و مهممل براقلمش اولدیغندن سبکی نقصاندن و محتویاتی تشویش واعوجاجدن غیر خالیدر .

* *

سیواس ولایتی مرکز محکمه شرعیه سندن معطی ۱۴ جمادی الاخره ۳۳۴ تاریخلی حجتک اسباب نقضی :

حجت مذکورده صغیره مزبورک نسبی حقنده بینة معده استماع ایدلدیکنه و شکل یمینک درجه تعرض اولنما مقوله برابر خلع مذکورک صحتی و مدعیه مزبورک عسری تحقّق ایلدیکی تقدیرده وقت ایسارنده مزبوریه رجوع ایتک اوزره تقدیر نفقه ایجاب ایدر ایکن بوجهتله مراعات ایدلمکسزین نفقه فرض و تقدیری شایان قبول دکلدر .

★ ★

سوکّه قضاسی محکمه شرعیه سندن معطی ۲۰ جمادی الاولی ۳۳۴ تاریخلی اعلامک اسباب نقضی :
اعلام مذکورده صورت اشعاره نظراً مبلغ مدعابه مذکور مدلی بائقهنسک سوکّه شعبه سی دیرکتوری طرفدن دعوی و بعدالاثبات عاقد مدینه اولمق اعتباریه دیرکتورک برنهیج شرع عالی استظهاراً تحلیفی ایجاب ایدرایکن حادثه ده خصومت شرعیله ری ووجه محرر اوزره توکیله صفت و صلاحیتلری منظم اوله میان مرقوموندن بالوکاله تصدی ایدیلن دعوای قائمه نک استماعی غیرموجه و مرقومونک استظهاراً تحلیف ایدلملرینسک وجهی غیرظاهر اولدیغندن سبکی مختلدر .

* *

حلب ولایتی مرکز محکمہ شرعیہ سندن اعطا اولنال ۲۲ جمادی الاخره سنه ۳۳۴ تاریخلی
اعلامك اسباب نقضی :

اعلام مذکورده وقف مذکورك متولی سابق واسبققری اولدقلری کوستریلان
مزبورونك مؤخر طبقه ده اولاد موجود ایکن طبقه علیاده بولملرنندن طولایی تولیت
مبحوث عنہانك عہدہ لرینہ توجیہ اولندیغنی تعیین اسمی ایله ایضاح ایدیلہرك دعوی
تعاملك تصحیحہ تعرض اولنمادیغنی وشہادت مذکورہ بوصرتبہ ایله تعامل مدعا بہك ثبوتندہ
مرتبه كفایہ ده اولمادیغنی کبی شہدان مزبورانك استماعندن صکرہ اخیراً داخل دعوی
اولان مدعی ثانی مزبورحقندہ شہادت مذکورہك مدار اتخاذ ایدلمسك وجهی ومدعی
ثانی مزبورك ادعاسیندہ کی دیگر وقفلر حقندہ علی الاصول استجواب ومحاكمہ اجرا
اولنقسزین دعوی مذکورہ سنك علی الاطلاق ردی نیہ مبتنی ایدوکی غیر ظاہر اولمغله
شایان قبول اولمامغین بوصورتدہ ایجاب حالك ایفاسی ضمنتدہ محکمہ مذکورہ یہ اعادہ سی
اقتضا ایدر .

* *

حلب ولایتی مرکز محکمہ شرعیہ سندن اعطا اولنال ۷ رجب سنه ۳۳۴ تاریخلی اعلامك
اسباب نقضی :

اعلام مذکورده طرف دعواہ کی صورت تعلیقہ نظراً شہادت مذکورہ قاصرہ
وثبوت مدعاہ غیرکافیہ وشہادت مذکورہ مفادی وجهلہ مدعیہ بی تزوجدن صکرہ آخر
بریلہ مدعی علیہك ازدواج ایلدیکی غیر منقہم اولدیغنی کبی شہدان مزبوران زوجان
مزبورانك بعدتحقق الطلاق عیش وزواج ایله متعیش اولدقلرینہ عالم اولدقلرینی ذکر ایتماش
اولدقلرندن شایان قبول اولمامغین بوصورتدہ ایجاب حالك ایفاسی ضمنتدہ محکمہ مذکورہ یہ
اعادہ سی اقتضا ایدر .

* *

عمادیہ قضاسی محکمہ شرعیہ سندن اعطا اولنال ۳ رجب سنه ۳۳۴ تاریخلی اعلامك اسباب نقضی :

مہری مطابق ایسہ ده اقامہ اولنال اوچ نفر شہادتن شہدین اخیرین متوفای مرقومك
اقرارینہ شہادت ایلدکلی حالہ صحت وقوع اقرارك وجہ تأیدی کوسترلمکسزین شہادت
مذکورہك استماع وقبولی غیر موجه ومزکی سربلرک اسم وشہرتلری غیرمندرج اولمغله
برابر مبالغ مدعا بہای متوفانك امورینہ صرفلہ استہلاکی واولوجہلہ ترکہ سنہ ضماً تعلق

حقنده مدار غير ظاهر ويمين استظهارك شكل وصورتي مجله نك ١٧٤٦ ماده سنك فقره اولاسنه غير موافق بولنش ومبالغ مدعا بها ايله اوج رأس قيون واوج رأس كچیدن حصه سيله آنجق موكله مزبوره الزام ايدلك ايجاب ايدر ايكن مبلغك تركه دن اداسنه ومذكور قيون وكچيلر حقنده مدعينك منع معارضه سنه بروجه محرر توقيع قلنان حكم غير صحيح ومدعى مرقوم صغيره لرك جدلري وولى مجبرلري اولدينى حالده صغيرتان مزبور تانه باجحت آخر بروصى نصابه تصدى ايدلمسى مغاير اصول اولديقندن سبكي مختل ومحتوياتي تشويش واعوجاجدن غير خالى ايدوكي

.*

سند قلى قضاسى محكمه شرعيه سندن اعطا اولنان ١٥ رمضان سنه ٣٣٤ تاريخلى طهرية اعلامك سبب نقضى :

ايجاب سابقده كوستريلان قیده نظراً يکیدن محاکمه اجراسى لزومى مجلس تدقيقات شرعيه دن بروجه بالا تحشيه اولندينى حالده تشكيل طرفين ايدلمكسزين آنجق مدعى مزبورك افاده سنه عطفاً معامله اجراسى مخالف اصول وحادثه حقنده ازسرنو محاکمه اجراسيله آبريجه بروثيقه شرعيه به ربطى مقتضى بولنش اولمغله اولوجهله ايفاي مقتضاسى ضمتده محله اعاده اولدى .

مجلس تدقيقات شرعيه مقرراتى

ترکه نك بيعندن صوكره زياده به طالب ظهورى حقنده [*]

ترکه دن اصولى دائره سنده بيع ايديلن اشيايه اخيراً طالب ظهورى تمام اولان عقده مؤثر اوليه جنى تذکر ايدلدى .

[*] بو بابده قرقي آغاج قاضيلكنك تخريراتى صورتى :

احوال حاضرده دولاييسيله تركانك پشين آنچه ايله ساتلسى ممكن اوله مدینى تقدیرده نسيئة بيى وبعد بروجه نظام مشترى به باجحت شرعيه ادانه ايدلمسى اولبابده كى تبليغات فتوا پناهيلرى مقتضاسندن ايسه ده نمن مبيع مشترى به اصولى دائره سنده ادانه اولندينى تقدیرده دها زياده به اشترايه طالب بولندينى تحقق ايتديكنده اولنه جق معامله نك عرض واستيدانه اجتناسار قلندى اولبابده